

**NAŠA
STRANKA**

Politička organizacija građana „Naša stranka“
Općinski odbor Velika Kladuša
Adresa: Huske Miljkovića 2
Telefon: 00387 60 311 6674
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša

PREDMET: VIJEĆNIČKA INICIJATIVA

Poštovani_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da podnosi inicijative, koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem vijećničku inicijativu: **Ovim putem, a u ime mještana ulice Hajrudina Hušidića – Prike, upućujemo inicijativu za rješavanje problema sa kanalizacijom koja se ulijeva u odsječeno (staro) korito rijeke Grabarske od objekta bivše klaonice do starog ušća u rijeku Kladušnicu. Konkretno, iniciramo da se kanalizacione cijevi, koje se ulijevaju u ovaj dio Grabarske, ucijevu i produže do novog korita, a staro korito da se sanira na adekvatan način.**

O B R A Z L O Ž E N J E:

Regulacijom korita rijeke Grabarske odsječen je dio korita od klaonice do starog ušća u rijeku Kladušnicu, te je taj dio ostao bez protoka vode dok se kanalizacija i dalje ulijeva u isti. Na taj način je taj dio korita pretvoren u otvorenu septičku jamu. Zbog toga se, prema tvrdnjama mještana, stvara smrad koji je neizdrživ u ovim ljetnim danima. Napominjemo da su najbliže kuće udaljene svega 30-ak metra, ta da su stadion NK Krajišnika i još dva igrališta nogometnih škola za djecu udaljeni svega 50-ak metra. Jasno je da je na ovaj način ugrožena i zdravstvena situacija, kako samih mještana tako i svih onih koji koriste ove sportske terene, a i ostalih građana.

Komunalno vodni inspektor Općine Velika Kladuša je u trenutku preusmjeravanja korita rekao da će se kanalizacija ucijeviti i sprovesti u novo korito, kao alternativno rješenje do rješavanja kanalizacione mreže. Mještani koji žive u ulici Hajrudina Hušidića - Prike su upućivali zahtjev nadležnoj inspekciji Općine Velika Kladuša i do danas nisu dobili odgovor. Iz tog razloga su se mještani ove ulice odlučili da na ovaj način pokrenu inicijativu za rješavanje ovog problema, te se nadaju što bržem odgovoru. U prilogu dostavljamo potpise građana koji stoje iza podnesene inicijative.

Ime i prezime: Amir Purić
Klub vijećnika Naše stranke